

增修萬縣志卷十七

地理志

關隘

防堵粵滇逆賊

籌防經費

團練章程

萬在羣山之中北倚漢豐則鐵鳳大梁限之東聯雲
安則方碑涼風大梁限之西逼新甯則葛麻大梁限
之南接湖北施利則鹿鳴龍門銅鑼大梁限之益以
楠木捍石柱響鼓拒梁山木魚阻臨江野窰塞魚復
而又憑鼓峽以遏下駛踞巴陽以扼上泝黃幹黑溝
護其前鷹石虎坪衛其後重關疊鎖而雄砦若列城

萬縣志

卷十七

地理志

關隘

一

鉅堡若連營不與焉何其壯也夫守城垣不若扼險
要故王公設險以守其國失險城雖天生不可恃也
雖然將遂恃此無恐乎則分水不見賊新市不禦寇
矣夫恃險失眾與無險同是故未有團防不成而關
寨自固者地利人和非保民賢司牧其孰與謀之
黃荆壩 在縣大江南舊省志明萬歷初嘗議令捕
盜通判駐此彈壓

漁陽鎮 新唐書地理志南浦縣有塗常漁陽二監
九域志有漁陽同甯二鎮宋志有平陽砦

五龍關 在縣大江南一百八十里接湖北施南府利川縣界今設大坪汛屬夔協左營

軟耳箐 在縣大江南磨刀溪南五里交湖北利川界與湖北七曜山對峙亦楚蜀往來道隘口廠濶防堵不易銅鑼關雖天險易守然在軟耳內入軟耳則他道可遶由龍駒壩北渡江故縣大江南防堵以軟耳爲最同治元年春粵逆石達開陷咸來利川武生陳第掄統帶市郭里團勇堵軟耳銅鑼打杵各隘石逆走石柱二年秋石逆後隊李復猷回竄咸來軍功

萬縣志

卷十七

地理志

關隘

二

陳詒榮帶勇堵此冬十月知縣張琴建關卡石壁高二丈有奇厚半之橫亘山埡八丈有奇上設瞭樓下置關門營房七間更關駐紮民團地於旁兩山

打杵均 龍門均 鐵石均 觀音巖 皆在軟耳右數里同一山梁利萬接壤皆小徑可守

鹿鳴埡 在大江南市郭里上七甲老鴉塘南十里與湖北利川接界危巖峭壁險峻可守咸豐十一年紳民修隘卡砌石高二丈廣八丈內設營房三間此隘東如岐陽關野人窰黑塘風門均皆在雲奉界內

實爲萬火埠塘之蔽石逆陷利川增生蔣培之職員
嚴精訓管帶團勇堵鹿鳴埡培之臥病風雪中死守
不去賊竄石柱乃撤同治元年培之舉孝廉方正以
親老辭不赴

銅鑼關 在縣大江南天生絕險咸豐間紳民修置
關門營房明史又西南有銅鑼關巡檢司

愚按萬縣南岸毗連湖北施南山勢蜿蜒雄奇峻絕
壁立儼然界劃楚蜀銅鑼關十夫所守千夫不過嘉
慶教匪之役德參贊勦楚賊至此武生陳剛及傅生

萬縣志

卷十七

地理志

關隘

三

率團勇拒不納參贊使人持令箭示之生曰賊計多
端惡知其非假官軍以襲我也吾守關者知有縣官
令不知其他參贊卒由他道入咸豐二年粵匪破岳
州施宜震動而萬縣南關之守益嚴然備多則兵寡
久暴師則力屈將弱不嚴則民未有寇害而先懼兵
患非善之善者也善之善者務得人以練民團人自
爲守而官節制之戍兵十不當一彼用陳傅者其知
之矣

百丈溝 有僻徑可斷 五龍關以下皆市郭里大

十甲隘

黃幹石 在縣大江南市郭里小十甲傍山腰窄徑十數里其下深溝數十丈峽道易守同治二年知縣張琴修石卡

永安甯堡 在縣大江南巴南里舊名羅網壩明嘉靖十一年知縣成敏貫建關堡今廢省郡志誤爲羅網壩今土人羣呼龍王壩蓋羅網聲訛也

石板灘陡梯子 走利川汪家營與劍南道在市郭里九甲

萬縣志

卷十七

地理志

關隘

四

楠木埡 在縣西大江南石萬接界處亦來往楚蜀道兩峯對峙隘口八九丈山陡徑窄髮逆陷石柱文生譚文爽武甯張汛弁帶團勇堵此團眾布滿山谷賊走洋渡溪

三磴坡 老土地 皆在楠木埡東相距各三十餘里同一山梁石萬接壤 以上三隘皆在三正里一甲

武甯關 在縣西今廢明史有武甯巡檢司

西柳關 在縣西北明史又西北有西柳關省志宋

寶佑元年元兵渡漢江攻萬州入西柳關荆湖將高達拒郤之卽此今廢

木魚山 在縣西南大江北三正里二甲忠萬接壤同治元年春滇逆藍二順自忠任家溝越木魚山入萬戕我馬副將定國於紅谷萬縣戒嚴我軍與援軍出擊賊走開縣是年秋備鶴遊坪賊文生何大壁武生劉耀榮統帶三正里團勇營木魚山花翎守備陳先春亦營此山

磨灘河 在縣西大江北三正里四甲山高數十丈

萬縣志

卷十七

地理志

關隘

五

溪徑狹沿溪上至三正鋪下至甘甯壩四十餘里皆兩山相夾巉巖險道耆老相傳嘉慶四年三月二十六日賊酋冷天祿等過此官兵逼擊幾盡殲其族黃虎坪 在縣西大江北三正里十甲左峻嶺右狹溝現修卡門

風坡嶺 在黃虎坪東山勢高三四里陡峻可據藍二順由紅谷竄至一碗水文生向拱宸監生沈化龍等以護城勇回扼風坡嶺賊口由柱頭山去

穿洞子 在縣西大江北大周里四甲兩巨石合空

其下生成卡門高約四五丈中容數騎藍池溝山險路狹中有卡門均阻柱頭山來路北門均外有壕溝舊跡猶存與蔡地溝土地巖均阻西大道來路

鷹嘴巖 在縣北都歷山後

分水嶺 在縣西大江北周里二甲梁萬交界赴省垣渝城大道要隘同治元年夔巫都司薛尙品營於此擊賊獲勝以出援紅谷藍逆二順入隘秋防周逆紹湧軍功胡占春亦管帶練勇營此

孫家漕 在縣西大江北關懸巖成路路斷處有石

萬縣志

卷十七

地理志

關隘

六

橋由橋轉依石壁一綫道行下臨深溪不可俯視一名黑洞溝險隘易守

亭子埡 在縣西孫家漕西梁萬接界與梁響鼓嶺相望

葛麻梁 又名過馬梁距母猪漕橫冲溝八九里兩山多樹峽口八丈長半里外有小徑二可兼守咸豐十一年冬藍逆竄新甯監生余登鑑捐勇固守此隘母猪漕 峽口四丈長一里多樹

琉璃溝 距葛麻梁六里峽口三丈長十丈可守

茅坪寺 距琉璃溝十餘里由新甯來有徑難設卡
橫冲溝 峽口二十內有大塘外有巉巖易守
西大埡口 距茅坪寺十里新萬往來道山勢高廣
二十餘丈峽長五里許半山有石橋可據旁小道叢
錯難盡毀唯下至鯉魚溝可扼 自葛麻梁至大埡
口六隘皆在縣西北與新甯接界同一山梁
小埡口 界接新開同大埡口山梁高十餘丈隘口
三十餘丈峽道五六里斜下十五里滾柴坡乃有高
梁可扼外若開萬連界之牛項頸洗馬灘皆無隘可

萬縣志

卷十七

地理志

關隘

七

守當守開之偏巖子張家寨同治元年春藍逆據新
甯邑候選訓導何裕如統帶大周里團勇堵大小埡
口磨崖各隘賊遶由梁鹽井溝入萬境候選教諭陳
光熙堵於新場藍逆大順走梁山秋周逆紹湧竄新
甯知縣張琴勦賊出大埡口營於新之低寺賊走開
縣後擒王逆永順於開之張家寨下
磨子巖 新開連界亦與大小埡口同一山梁高二
十餘丈斜下十五里合滾柴坡路 孫家漕以下皆
大周里一甲隘

蝦蟆石 在縣北大周里後三甲余邵新市入城道其山梁約十里父老言嘉慶三年五月初旬有馬統帶軍與賊遇於三正舖之北山賊先得地官軍陣亡以千數事平猶骸骨遍野馬以親兵保於新菴子中礮傷黃昏潰圍出至分水而歿次日賊攻蝦蟆石敗於梁山知縣方積數日後乘雨夜遁伏誅大半

鳳凰山 在縣西北大周里前三甲開萬接壤

雞圈門 在縣北大周里五甲兩山對峙一上一下約五里之遙中隔小溪開萬於此分界

萬縣志

卷十七

地理志

關隘

八

井水坡 距雞圈門七八里

馬武漕 在縣北大周里六甲與開接壤山勢高峻千尋峽道十餘里外天鵝池峽道五里

九倒拐 在縣北與開接壤曲徑九折山勢陡險北大埡口 在縣北大周里七甲開萬往來道埡頂有營壘遺址中有卡門下爲滾石深漕埡口數丈長約十丈同治元年春藍逆二順自木魚山闌入萬敗於我軍由大埡口走開縣二年秋周逆竄開縣邑紳劉肇修統帶大周里各甲團勇堵此與鐵鳳牛鼻各

□

小堽口 徑可斷

涼風堽 峽道五六丈

鐵鳳山 內峭而外頗防守不易嘉慶時賊踞開州坪大軍紮營於此營壘遺址猶存

周家營 在縣北大周里九甲與開接壤東一峯約高三百丈西峯略低中路由半巖削斷可守
螞蝗漕 擢箕口 在周家營左右守較易 凡與開接壤之隘均同一大梁

萬縣志

卷十七

地理志

關隘

九

牛鼻子 在縣北大周里八甲與開接壤山勢雖高而兩面皆平頗然牛鼻不守則周家營擢箕口可直入也

牛犁地 四方碑 皆在縣北東界連雲開山勢突兀高約七八里

分水梁 在縣東大江北周里十甲與雲陽連界雲陽設有卡門惟兩山夾立卡勢低而高處無不可往

毛堆磧 在縣西六江可設水卡

石鼓峽 在縣西大江水道極狹渟蓄如積澤向設水卡於北岸南岸則忠石萬接壤

大湖灘 在縣西大江省志宋嘉熙中蒙古兵渡湖灘施夔震動卽此

巴陽峽 在縣東大江水道極狹未漲時兩岸石壁數十里東流如綫

余家嘴 在縣東大江現設水卡

防堵粵滇逆賊

咸豐九年秋滇逆入蜀十年李卯逆踞牛腹渡號二

萬縣志

卷十七

地理志

防堵粵滇
逆賊 十

十萬眾藍逆上竄圍縣州而張周王郭逆下竄入榮昌破永川駸駸有窺渝涪伺忠夔之意夏四月今制府駱宮保以楚撫督辦四川軍務帥師過萬檄知縣余居寬訓導范泰衡與邑紳陳教諭光熙會辦萬縣團練冬十月粵逆石達開由黔竄鄂陷咸來將道利川以圖蜀利萬鄰縣也居寬扎委武生陳第掄統帶市郭里甲勇千名南防軟耳各要隘泰衡與光熙遂閱團於市郭督派團勇隨第掄出防市里文生程萬里蔣培之監生魏明誨武生陳第扶龔人龍管帶甲

勇首先到隘而文生侖在田千總銜向望之軍功董超譚家藏胡顏玉程東華陳盛清邵定國等亦各率甲勇以赴然初起倉猝管帶迭更不一且軟耳厰濶關未繕防堵難僉議利爲萬蔽有黑洞險要可據守萬不若守利便而團眾不欲十一月滇逆竄大竹至袁壩驛泰衡與光熙出閱大周里團兼飭挑勇守隘道次奉制軍駱宮保檄以粵逆犯利緊急飭會同調團防堵發功牌百有六十隨帶賞給鼓勵之時南防軟耳部署畧定正謀西拒分水葛麻而憂邵余新三

萬縣志

卷十七

地理志

防

堵粵滇
逆賊

十一

市無隘可守十二日會團首於新場遂議以邑候選訓導何裕如將團勇赴梁山助守福爾巖未成軍而賊已奪梁隘入其郭乃改計仍守界梁新之分水大埡等處以監生余登鑑守葛麻梁而以裕如統帶大周里團勇駐新場以制余邵同治元年春正月以兩湖重兵既集石逆不能越施衛龍山惟利川空虛懼賊由此闌入軟耳也人日復會統管帶團長於龍駒申助守黑洞之議時團勇演習久咸踊躍遂定計以五百人往使管帶廩生程紹先監生張定陶馳告利

川迨二生入謁利尹已聞黑洞戍勇有潰者晨往視
隘未中道而髮逆僞幟見山脊矣乃馳歸復命時陳
第掄以足疾未在防賊眾散布七曜山軟耳防勇退
守龍駒壩惟董超將二十人不去縣城聞變以羅軍
功邑候選州吏目張凌雲持令箭督第掄力疾收潰
勇還扼軟耳勢復振石逆走石柱當粵逆陷利時滇
逆藍大順亦自緜州敗竄至破新甯入據大埡一帶
緊急何裕如卽由新塲率勇疾趨埡口而各甲發勇
猶觀望居寬親往督之乃陸續赴隘二月賊棄新甯

萬縣志

卷十七

地理志

防堵粵滇
逆賊

十二

城外竄裕如防大小埡口琉璃各隘與余登鑑守葛
麻嚴藍逆不得越乃遶由梁鹽井溝入萬余邵市鄉
民紛紛走寨洞陳教諭光熙率本團二百練急扼新
塲以牟汛弁昭然飛調各團團眾遂集何裕如亦以
守隘勇來會旌旗蔽野聲勢大振藍大順夜遁復走
梁山裕如追勦數里賊情見勢屈自是團練不畏賊
可用戰也居寬乃請於防勦局檄委裕如帶勇防勦
先是賊破新甯居寬與泰衡以防勦帶勇請於駱制
軍檄委告假回籍霆營副將馬定國及賊出新甯竄

我邵余乃請定國委羅軍功率二百勇馳赴蝦蟆石據險以遏賊入城道定國將勇三百營北山以衛縣城城中民人多先遷去畱者五百餘丁制兵不滿二百軍功胡占春勇不過百名軍功易文長城堡團練不過二百調三正里團勇二百撤市郭里軟耳勇三百皆未克卽至居寬率同文武官訓導范泰衡典史趙繁都司扎克丹千總梁正超外委任壽與紳民登陴共守籌防局監生彭維觀工部額外主事賀襄勤鹽運司運同銜杜鍾崑裕經費城防局廩生杜煥章

萬縣志

卷十七

地理志

防堵粵滇
逆賊

十三

杜煥南劉家謨監生賴資毅王建章彭廷丞程慶暘備守具運米粟設四城長監生張德遠軍功尤建揚王文選胡貞燿副長軍功胡祖煥傅永慶羅德馨胡家懋巡視女牆以城外三堡團練爲三營犄角北山而南北二里所調勇丁亦先後至於是百姓紛紛入城城中民心乃定及賊走梁山果健營知縣羅亨奎將三營兵營北山左右候補藩司劉嶽昭統帶果後營全軍過境暫駐江干賊不敢逸出大江迨劉軍趨涪羅軍移梁藍逆大順遂竄葫蘆壩三月藍逆二順

竄至忠之汝溪灘馬定國卽日將團勇五百出勦號
召西南團練將營忠之四方山下團練未集乃畱壁
紅谷賊夜襲我定國出擊賊數萬圍之力竭陣亡從
出勇丁數十皆戰歿月之十八日也藍二順賊旣戕
我馬鎮乘勝掠武甯灤渡焚洋河溪下一碗水距城
十里而藍大順賊亦由葫蘆入分水遶椅城後至塘
房郭羅壩距城十五里二逆分兩道逼縣城萬縣戒
嚴居寬率同文武官寢於城樓與籌防城防局紳四
城長副督居民占塚晝夜巡警因南津一帶民各走

萬縣志

卷十七

地理志

防堵粵滇
逆賊

十四

寨調管帶程德裕牟正寅收中二堡團練入守而以
易文長將縣城堡團練居中策應民心稍安何裕如
聞賊趨縣城以扼新場團勇與邑候選縣丞尤炳璋
廩生謝懷芳武生譚登瀛監生曹仁昭兼程疾驅入
護城夔巫都司薛尙品亦以堵分水二百兵繼至候
補布理問郭人繡亦督軍功陳詒榮率市郭里四五
甲勇馳入遂分撥兵勇於各城垣雉堞而以三正里
文生向拱宸監生沈化龍張蘭芳王嵩山武生馮惠
然各率其甲勇營杜山石城民於是咸有銳氣二十

日藍大順賊東竄由熊家場出大周溪遂走雲陽楚軍管帶羅亨奎以居寬告急兼程赴援營北山上下我遂撤向沈等勇回據風坡嶺以扼賊二順入城道賊夜望星炬布滿山谷疑我軍出乃遶由柱頭山趨高梁仍躡藍大順跡至郭羅壩二十六日羅軍來約併力攻賊我以何陳薛胡軍出勦調塘房附近凌雲中山獅山天城諸寨團練俱下賊已蜂起引去回顧旗幟出山岡乃撤轉列陣凌雲三山以待我軍與羅軍三路並進賊潰遁追勦數里藍逆二順越北大埡口走開縣後仍走雲陽合藍大順由東鄉太平竄入秦制軍以馬定國陣亡

上聞奉

旨從優議卹賜祭葬並准於萬縣建專祠隨同勦賊陣亡勇丁一併附祀以彰忠藎夏六月知縣張琴蒞任縣境無事初三里各就甲爲團丁勇皆由此出及二藍逆入三正大周里地團眾散入各寨甲地互淆頗難調勇派丁且往往有守寨棄隘之見乃權議就寨爲團示諭除徵勇外每寨團丁十成以五成畱守三成

守本甲隘二成巡邏甲地各甲寨遴選調丁團首有警責成之未幾郭逆下竄至新甯逼近萬陳光熙及從九銜曹元登等集團練千餘以拒琴與泰衡猶恐團丁不支卽飭統管帶何裕如余登鑑挈勇數百分道赴勦未至而郭逆走開縣先是賊出梁山分兩道藍朱逆入新甯周王郭逆竄墊涪盤踞鶴遊坪楚軍攻之未下及方伯劉蓉出督師圍龍窰獲李卯逆鶴遊坪賊震動秋九月周逆以數萬眾下竄楚軍追之不及賊至新甯時統帶團勇何裕如病甚尤炳璋代

萬縣志

卷十七

地理志

防堵粵滇
逆賊

十六

之陳光熙率同集一三甲團練千餘知縣張琴馳至將其眾出西大埡口追勦於新甯低寺賊走開縣浹旬楚軍迫至後坪壩大敗之賊由開岳溪回竄多降於我軍降人多言周逆始謀竄秦今知不能將仍返鶴遊以圖再舉也乃命統管帶尤炳璋謝懷芳瑞芳率大周里團勇扼聞之張家寨琴自將四堡三正里團勇督之轟斃悍賊多名擒逆酋王永順降其眾數千周逆逸走梁竹獲於楚軍一年秋石逆後隊逆酋李復猷回竄咸來琴與泰衡議守黑洞如前且計賊

聞萬勇在利將謂萬人強疑蜀兵且至必不敢復窺萬也七月張琴親率團勇八百赴利與利令會遂部署統管帶尤炳璋謝瑞芳監生陳光峻左咸宜黃建勲田宏才拔貢蔣興仁廩生程紹先等分布助守咸利之黑洞馬鬃嶺賊遠乃罷始琴擇防勦尤出力者以上聞及滇逆平駱制軍舉禽周逆殲賊黨沿路州縣防勦請獎彙具入 奏奉

旨俞允萬縣知縣張琴以同知直隸州補用先換頂戴在任候陞同城文武官遷級加陞銜賞戴藍翎有差紳

萬縣志

卷十七

地理志

防堵粵滇
逆賊

十七

民擇尤優獎授職儘先卽選升用拔補者三十有六人 賞戴藍翎者八人具志職官保舉中其四堡三正里出勦管帶易文長監生程德裕牟正寅譚文爽牟海瀛夏正寅武生駱照宸張明英馮惠然軍功張光洪張聯陞大周里守隘管帶文生廖宴春曾省三武生譚鵬飛監生張遐齡軍功張正紀張學文陳聖住三正里礮船管帶監生姜二品何心田軍功張萬順易大川均給軍功頂帶九品至六品有差

籌防經費

萬縣經流賊蹂躪以來二百年團防往事父老傳聞已不獲十一明以前更不可得而紀矣教匪之亂焚我南津市屋城守嚴而賊趨鄉閭其事略散見各志廼者髮逆由楚入川滇逆自川西南走川東一月間連陷我鄰封利川石柱新甯而忠梁雲開奉皆賊踪安鄉亦不免闌入矣當粵滇逆逼縣境其間官紳堵隘守城備勇調丁迎戰追剿保土安民俱關緊要惟州縣防堵所恃者團練所尤恃者團練勇丁而勇無糧易潰故既有團練不患無勇特患無糧而糧又非

萬縣志

卷十七

地理志

籌防經費

十八

咄嗟可立辦也是用特記邇年籌防之設瀝陳經費之艱以見臨渴掘井之非謀而未雨綢繆之宜豫後之君子可以觀焉自鶴遊坪劉逆義順之變忠涪一帶晝夜巡防萬縣震動署令彭名湜乃設籌防局募捐民錢數千緡爲守備民未盡納而名湜去咸豐九年粵逆石達開圍寶慶楚軍獲奸細知石逆志在據蜀將由施利入萬也知縣馮卓懷得楚帥書卽日募團勇五百名扼銅鑼關加募籌防錢并前捐輸近萬緡以給餉迄咸豐十一年知縣余居寬署任是時猶

有勇百數十名防局錢竭焉當滇逆李短辮藍大順
竄川南北其分股周紹湧張五麻子郭王刀刀諸逆
酋漸蔓延川東而石逆由黔入楚破據咸豐來鳳在
大江南與萬僅閒利川團練初起防局空虛北山石
城工未半而財匱矣官紳欲募勇救急而艱餉乃謀
曰萬縣三十甲若甲徵勇數十不下數千人以堵市
郭里隘有餘顧賊在南岸則北岸甲阻大江以爲害
未及我調其勇兼賫饗將毋遲時日事易敗不若發
南岸勇自轉糧彼切近災速自救可必也於是權宜

萬縣志

卷十七

地理志

籌防經費

十九

劃南北分辦十月督南岸各甲團勇千人守軟耳銅
鑼關不領籌防之經費而南岸甲近江者距利川遠
利不出勇糧訟言曰南岸亦萬縣民也何得分畛域
獨當賊官紳惑之十一月復集紳耆改議石租百錢
繳籌防局無分南北勇糧皆自防局給其時北岸尙
無警也然民觀望無納錢者楚軍統領易佩紳書來
告萬曰賊非欲久伏咸來者兩湖皆有重兵摧壓惟
利川路空虛萬縣守備何如懼賊乘閒入川也官紳
恐乃議各甲應入錢防局爲勇饗者富人先代入以

佐急而其時北岸藍逆亦已營大竹圖竄梁矣然紳民徒空言仍無入錢者自此北岸宜堵分水大壩口各隘之甲不輸錢防局而皆待領勇糧於防局防局無以應則皆棄險不守而南岸扼軟耳各隘之甲亦皆停其轉饟以待防局予饟卒至逾月饟不發而勇幾潰於是乃仍主前議南北分辦各甲調勇仍不領籌防之經費除夕前夔協薛都司以制兵二百至官紳請紮分水由防局給餉同治元年春正月石逆陷利川石柱藍逆竄梁山陷新甯而縣城守具不備遂

萬縣志

卷十七

地理志

籌防經費

二十

議集富戶勸捐時危歲暮富人匿寨洞不出乃於開印後舉行議定家收租穀百石捐錢三十千以備兵勇守城衛鄉之需舊徵石租百錢畱爲里甲出練防隘之用而書捐納錢者仍寥寥三月藍逆入紅谷馬鎮全軍俱覆輜重盡失賊乘勝入我郭郭萬縣戒嚴城守益煩費而梁萬營兵薛都司巫山營兵數百文武官所統陳胡二營練勇數百三堡團練數百何廣文護城勇數百及羅統領赴援楚軍一千五百糧饟薪米凡城守軍需等局一切支應皆仰給防局防局

不足給不得已假貸商民錢與賓興書院救火局養濟院各會館公項錢九千餘緡並天城紳民銀數百兩以贍之迨藍逆走秦周逆在鶴遊事稍定書捐之士漸出而上下兵差絡繹防不得撤租捐入不敷出官紳復議各甲富人勉代入其甲錢三百千後卽償於租捐而入錢防局者十二三焉夏六月知縣張琴蒞任以爲租不可校而糧則可憑且租捐書捐者僅二萬有奇而收用已一萬五千有奇若不核實則書捐太少經費易窮核實則當捐者過多民力易竭矧

萬縣志

卷十七

地理志

籌防經費

二十一

告訐誣陷無已時中下戶其破矣乃集紳耆議仿照丁糧認捐萬縣糧少而租多若糧升合免之約計升糧錢五百猶輕於石租三百二倍也租捐已納者卽抵糧捐溢則還之還者猶錢千有餘緡而糧捐之入四萬有奇反多於租捐二倍亦無或逋欠者非民前狡而後忠時有暇有不暇數有可定有不可定所由者異也自此護城練勇常數百至周王逆竄開萬發三里與縣城練勇防勦不下千名一出新甯八廟橋低寺一出開縣張家寨而縣城一切防守支應要欸

以及上下往來兵差使費皆取足於籌防明年春秦省以回逆之亂驛站改由東川使車冠蓋相望大吏檄就地籌欸官紳亦欲增備防費張琴集紳耆議仿丁糧認捐如故分籌防局爲二而改道局附之計糧捐五成一成歸城局備城守三成歸三里鄉局備發勇出防改道局約歸一成鄉局仍設城中以三里紳董之示公也始南北防堵之分辨也非謂可分而不可合也設使一號召而三十甲輸將恐後則第大募團勇以趨賊所向而又何分南北爲惟其防局空匱

萬縣志

卷十七

地理志

籌防經費

二十二

而北岸各甲又不能驅之裹糧以奔南岸之愆故出此今藍逆亡郭王周逆授首萬縣無事年豐人樂民易輸將南北可合此其時矣始時三里各甲堵賊視地派勇近賊者二三百遠者半之愈遠又半之一里不下千人人日百錢管帶餼糧約再倍勇丁統帶約再倍管帶其費皆本甲自備縣城兵勇數百亦人日百錢統管帶餼糧如三里其費乃防局圖之今議里甲無庸備勇亦無庸備餉各甲有警無論募勇若干費皆出於防局而一甲團練十成以五成守寨以二

成巡本甲三成防本甲隘人日米半升不與勇糧等其費則取於其甲穀釐此南北防堵所以合爲一而城鄉防局所以分爲二也是時團勇裁撤防局有餘財遂磚砌城垣營房數十所置軍械庫廣火藥局北山石城建瞭樓軟耳箐繕雄關黃幹石設卡而守具益增修矣石逆後隊逆酋李復猷回竄咸來挑大甲與市二甲五甲練勇八百助利川守馬鬃嶺塞咸豐黑洞五百里饋糧不絕皆領於防局迄賊遠勇撤而後已明年秦中兩藍賊一誅一走回逆竄甘肅蜀

萬縣志

卷十七

地理志

籌防經費

二十三

軍防滇黔賊嚴賊無敢窺我邊郵者蜀省安靜防局可撤於是琴集紳耆盡反余令時防局所假書院賓興等各欸錢九千餘緡銀亦如其原數餘錢五千餘緡遂買田業爲百年不用有備無患之計田業成歲入租穀百石猶惜不足將厚積其力以遺後之綢繆禦侮者

團練章程

古者田賦寓兵於農後世兵農分而武備弱陵夷至募勇而弊滋甚矣夫近古惟團練團練者制亂民流

寇之上兵也攻則不足守則有餘堅壁清野以待而賊不攻自破亦何攻不破是故

本朝教匪之亂此勦彼竄而惟團練能承其敝而制其命咸豐十一年滇逆李藍分股竄擾川東今制府前湖南駱撫軍以萬縣團練扎委萬縣知縣訓導書院山長會辦時承平久民不知兵惟恐抽丁遠調乃爲愷切曉諭予以章程於是四堡三十甲次第畢舉綜計五百餘團練丁多者六百少者百數十人團總十餘人團長二百餘人團正千餘人知縣余居寬以時

萬縣志

卷十七

地理志

團練章程

二十四

閱四堡團練於較場賚賞鼓舞之其冬粵逆石酋破咸來入利川訓導范泰衡山長陳光熙出閱市里卽以團練守隘而就中揀其精銳爲勇如選鋒至滇逆竄忠梁亦卽揀大周三正二里勇而皆守以團練同治元年知縣張琴蒞任以賊近團民多散入各寨乃諭就寨爲團而分畫其守本甲地調丁成數其秋郭周王逆竄梁開寨團備丁勇惟命及王周逆成禽民多下寨然後仍就甲地爲團民以時操習官以時點閱如常同治四年冬張琴親出閱重賞賚罰其弛玩

者於是萬縣團練益勵自來賊匪進退視團練有無
萬縣頗有團練第民無遠慮賊遠易懈然張弛在人
有司一提挈則振矣爰錄團練務實寨團責成規條
具本未備覽

萬縣團練務實規條 一解疑惑凡堡甲團練原爲
保護本地生靈其入團冊者不强爲勇並不調出境
各安各業各據各險毋聽謠言妄疑調勇抽丁爾旣
未食勇糧誰能逼爾爲勇官不能逼爾爲勇又誰能
調爾出境川勇不下數萬皆係情願赴招未嘗不招

萬縣志

卷十七

地理志

團練章程

二十五

強調

本朝愛民從不抽丁試問二百年來平三藩取金川滅
教匪乃祖乃父曾見有抽丁事否湖南撫院駱督師
臨萬

國制如許抽丁何難就萬抽取乃猶懸牌招募每名按
月給餉四兩二錢於帑藏艱難之時不爲抽丁之計
而顧捐此重貲以募川勇不失計乎且招募後見勇
不可用仍行全撤不教之勇不可用不教之丁尙可
抽乎况重屬江津一帶團練甚精當務者何難檄飭

按抽乃必遠調鄰省兵勇不亦迂乎總之團練一法原爲各保各境起見並不抽丁爾民切勿疑惑如藉此惑衆阻撓定行根究不貸一舉團首一團團練聽公舉團首數人專辦一甲團練聽公舉團長數人常川督辦或分地督辦勿徇情任聽賢能推卸勿畏強委與橫暴充當凡團首以現當者爲任辦舊當者爲幫辦如舊團首公正勤能團眾復舉添充如新團首不公不正不勤不能口團眾會議撤退如團長未足服眾准團首團眾公稟更換凡團長團首專管

萬縣志

卷十七

地理志

團練章程

二十六

練團保護城鄉解息爭訟稽查匪類如侵吞公項武斷鄉曲把持公事妄作威福魚肉善良准團眾公稟究治一練壯丁萬縣團練家出一丁久爲成額今鄉民不知團練是保自己事若欲仿廣西練法人人皆練則家有數丁不以爲利反以爲苦若欲就團丁十成挑練三成則同爲壯一誰當獨逸誰當獨勞故仍照舊規除鰥寡孤獨殘廢痼疾免家無壯丁又無雇工免有壯丁入館教書讀書而家無雇工免願學者聽此外一家一丁一丁一練總不准勒令出錢准

折派定造冊就地挨近什人立 什長百人數十人
立一百長壯丁領於什長什長領於百長百長領於
團首團首領於團長團長團首百什長壯丁皆領於
官如有當免誤派准公稟塗銷遷居別團准公稟改
易各團各請教師一二人教習一二月有父兄子弟
兼習銃矛陣法謀衣食貧民祇習數下矛刀凡有喪
事疾病准鄰里代爲告假無故不到自團首至練丁
分四等議罰凡教師教習技藝比較準頭勿尙花法
教成後合一甲爲一大團初八二十八十三二十三

萬縣志

卷十七

地理志

團練章程

二十七

本團會操以一早畢事初二十六大團會操以半日
畢事或滿十日輪流會操如初六大團十六小團二
十六大團初六小團相間不息賊平則月二次或一
次凡會操疏密視賊氛遠近 一籌經費甲團壯丁
十名什長角旗一桿百名數十名百長角旗一桿團
首數名方旗一桿顏色遵照札示惟旗不宜小桿不
宜短短小示弱矛刀銃鉛皆具教練會操必行以上
一切經費如無公項按一團租穀若干公議一石捐
錢若干總不准任意多派軟弱良民如團首酌派旣

公糧戶抗不繳出准公稟究追此外壯丁一名自製號衣一件佃戶不製惟田地主是問地主不製惟約保團首是問如係謀衣食貧民准以短衣製白布號補二元總不准一丁無有號補中間大書萬縣團練左書某里某甲右書某名如查出有團衣旗矛銃教習會操不辦不備定將團首約保田地主懲罰不貸一專責成凡有團無練一由業主縱容一由約保放散一由團首推諉一由團長怠玩此次認真團練爲爾民身家性命斷不忍姑息優容如佃民不

萬縣志

卷十七

地理志

團練章程

二十八

練責懲業主團眾不練責懲約保團練不實責懲團首團長若有惡佃刁民不聽督率准業主約保團首團長公稟究辦若有土豪糧戶不聽督率准團長團首公稟究辦諭到仰團長團首約保趁此農隙速將本甲各地團練一律辦成限一月各甲團長團首約保出具各團旗幟號褂器械製齊教練技藝隊伍認真如虛甘坐切結秋收農隙點團看操若不備不實定將該團長團首約保重罰重懲不貸一嚴防禦各甲無論有無壯丁之家以及道觀僧寺俱要入團

入冊總不准一家遺漏如抗不入團入冊准公稟從嚴究辦團內十家牌什長專司稽查十家又互相稽查家添一客亦須認識其場市寺觀歇店涼亭山巖石洞有容畱來歷不明如醫卜星相僧道之類以及強壯乞丐准團長團首約保公同攆逐如團內有訛詐生事窩賊行竊結盟拜會邪教私宰窩賭逞兇准團長團首約保公稟究治限十日團長團首約保出具團內並無內匪外匪如虛甘坐切結以後則一月一結呈官存案平日無事則肅清地方有盜則齊團

萬縣志

卷十七

地理志

團練章程

二十九

協禽不使一匪得脫有警則聯團助守不使羣寇敢窺總須平時預先準備如隘口謀設卡築牆寨上仿抽釐積穀之類皆團練要務也此次上下賊匪惟懼認真團練團練鬆則乘虛而來團練緊則繞道而過况萬縣有險可據有隘可守據高扼要雖悍賊不能飛入堅壁清野雖強賊不能久畱富隆榮瀘一帶蹂躪糜爛富者破家卽幸而遠逃田不能耕穀不能有已爲難民貧者亡身卽幸而走脫不死於賊不死於兵終成餓莩其咎皆由不辦團練此時瀘富數州縣

紳民貧富一心認真練團遂能屢挫賊鋒兼護城邑
爾民各有身家性命富者情願練團費財乎情願不
練團破家乎貧者情願練團勞力乎情願不練團亡
身乎富者勿謂吾有寨有洞何懼須知無團練則鄉
鄰亦爲土匪雖金城湯池易攻貧者勿謂吾無錢無
穀何憂須知無團練則茅屋亦爲劫灰况父母妻子
難保爾民誰不顧身家性命爲何不急速團練凡教
練會操日仰團長團首先將此規條令善言者登高
座講說一遍使知貧富相顧皆所以自顧朔望宣講

萬縣志

卷十七

地理志

團練章程

三十

聖諭必教以孝親敬長守身保家和鄉里奉官法黜邪教申
明團規講解廣西團練事宜勸諭數則及鄉兵管見
勸諭十一條以固眾志而作士氣以正人心而厚風
俗庶幾眾志成城不徒仗恃地利人心向善足以感
召天和萬縣必免於難而並受其福矣父老子弟其
善體吾意毋怨毋忽
寨團責成規條 一就寨立團查里堡團練造冊有
案茲因民多居寨彼此互遷自應團局改易以便操
練仰各寨居民就寨成團團名卽以寨名寨首卽爲

團首卽從前甲地團首無論遷徙何寨仍舊充當幫辦至碉洞零星居民亦附寨團造冊不許一戶漏載抗不入團者稟究 一下寨練團查三里團練各有定地定期但辦防甚急練團遂緩且寨上有練寨下誰查仰各寨團首擇近寨近衝地爲較場家派壯丁月操三次銃礮六七成刀矛三四成務每月下寨以習健步而壯軍威不到者照四堡罰規定罰 一挨寨聯團賊攻一寨而四圍之寨環而攻之抑或塞其要道截其歸路襲兵食息卽不然不下寨而以逸待

萬縣志

卷十七

地理志

團練章程

三十一

勞過則轟之寨寨皆然賊必立潰無如人情祇知爲己不敢犯賊致賊橫行良可慨歎仰各甲寨首各就前後左右寨團矢死聯絡合同蓋印某路有警卽放信礮三次羣寨應之卽刻防堵攻勦如畏賊不出或放賊不擊定將寨首重法嚴辦 一按寨派丁查去冬及本年春夏辦防或按甲調勇以守要隘或按團派丁以助聲威各甲辦理已著成效今旣就寨立團卽應按寨派丁除有警按甲調勇百名防勦外計每寨練壯丁若干分爲十成以五成守本寨以二成巡

甲地以三成守本甲隘仰里甲卽公議調丁團首出
防管帶並預將團勇練壯丁造冊以便調取毋致臨
事周章干究 一就寨籌費前示諭里甲糧捐係爲
養勇守城護鄉而設至鄉間勇糧丁米更宜預籌現
在賊踪未遠秋收糧食應遵示堅壁清野盡數搬運
入寨凡入寨之穀每石取釐三升雜糧每石二升不
足一石者不取仰團首查收公倉備用隱匿者議罰
避穀釐不運寨者稟明罰半充公此爲救急經費平
時團練不得挪用 一無寨派練如場市則以一場

萬縣志

卷十七

地理志

團練章程

三十二

爲一團鄉村則以一地爲一團凡一切練團定期聯
團合同守隘防甲調勇派丁籌費抽釐均與有寨無
異惟場市無穀釐有貨釐貨釐有取不取有多取少
取仰團首集商賈公議請示總以有益團防無損商
賈爲要